



PDR 2014_2020 DE GALICIA

PROGRAMA DE DESENVOLVEMENTO RURAL

Medida 1

Accións de transferencia de coñecementos e información

Submedida 1.2

**Apoio ás actividades de demostración e ás
accións de información**



Índice

<u>1.</u>	<u>Medida 1. Accións de transferencia de coñecementos e información</u>	3
<u>1.1.</u>	<u>Submedida 1.2 Apoio ás actividades de demostración e ás accións de información</u>	3
<u>1.1.1.</u>	<u>Que tipo de actuacións se financian?</u>	3
<u>1.1.2.</u>	<u>Quen pode solicitar esta axuda?</u>	4
<u>1.1.3.</u>	<u>Como se outorga a axuda?</u>	4
<u>1.1.4.</u>	<u>Que tipo de gastos se financian?</u>	4
<u>1.1.5.</u>	<u>Que requisitos se han de cumprir para recibir a axuda?</u>	5
<u>1.1.6.</u>	<u>Que criterios serán utilizados para a selección?</u>	6
<u>1.1.7.</u>	<u>A canto ascende esta axuda?</u>	7
<u>1.1.8.</u>	<u>Quen xestiona esta axuda?</u>	7
<u>1.1.9.</u>	<u>Marco normativo</u>	7
<u>1.1.10.</u>	<u>Documentos e ligazóns relacionados</u>	8

1. Medida 1. Accións de transferencia de coñecementos e información

O obxectivo desta medida é fomentar a competitividade do sector agroalimentario e forestal galego a través da incorporación de prácticas innovadoras e o desenvolvemento de iniciativas de I+D. Para iso, considérase prioritario consolidar un sistema permanente de transferencia de coñecementos baseado no fomento da formación profesional en materia agropecuaria e forestal, con especial orientación a agricultores mozos e silvicultores.

Esta axuda comprende actividades de formación profesional continua e adquisición de competencias, ademais de actividades de demostración e información. Para iso, prográmanse tres submedidas:

- ✓ Submedida 1.1 Apoio ás accións de formación profesional e adquisición de competencias
- ✓ Submedida 1.2 Apoio ás actividades de demostración e ás accións de información
- ✓ Submedida 1.3 Apoio ao intercambio de curta duración da xestión agrícola e forestal e ás visitas agrícolas e forestais

1.1. Submedida 1.2 Apoio ás actividades de demostración e ás accións de información

Esta axuda fomenta a realización de actividades de demostración e información orientadas a persoas con relación profesional ou con expectativa de incorporación nos sectores da agricultura, gandería, industria agroalimentaria e cadea forestal-madeira. Consideraranse de especial importancia as accións dirixidas a mozos e mulleres do medio rural galego.

1.1.1. Que tipo de actuacións se financian?

Esta axuda apoia a realización das seguintes actuacións:

- ✓ Actividades de demostración: sesión práctica para ilustrar unha tecnoloxía, o uso de maquinaria nova ou significativamente mellorada, un novo método de protección dos cultivos ou dunha técnica específica de produción. Estas actividades poden tomar a forma, por exemplo, de campos de demostración. A actividade levarase a cabo en explotacións ou noutros lugares.
- ✓ Accións de información: actividades de difusión de información de interese para a agricultura, silvicultura e PEMES. Poden tomar a forma de accións de divulgación, congresos, feiras, xornadas de portas abertas, información en medios impresos e electrónicos ou sesións informativas.

- ✓ A duración máxima destas actuacións será de 20 horas, excepto en actividades de campos de demostración ou ensaio, nos que a duración debe ser debidamente xustificada en función da actividade proposta.

En ningún caso poderán conter referencias a produtos ou produtores específicos.

1.1.2. Quen pode solicitar esta axuda?

Poderán ser beneficiarios desta axuda:

- ✓ A Administración Autonómica polas actividades que organice baixo a súa propia iniciativa
- ✓ As entidades públicas ou privadas (entre elas, cooperativas ou outras entidades asociativas agrarias), que teñan entre as súas finalidades a formación e/ou información ao sector e teñan acreditada experiencia na organización de actividades de información e/ou demostración en materias relacionadas cos sectores agrícolas, gandeiros, forestais ou agroalimentarios.

1.1.3. Como se outorga a axuda?

A axuda poderá adoptar a forma de subvención anual, convocada en réxime de concorrencia competitiva, por importes que se determinarán en función dos custos de organización e prestación das actividades de demostración e información. Por outra banda, instrumentarase como investimento directo da Administración autonómica, a configuración dun sistema público de formación continua a través de internet e aquelas actividades de formación e adquisición de competencias, de demostración e información ou de organización e prestación dos servizos de intercambios breves e visitas a explotacións agrícolas e forestais promovidas pola propia Administración autonómica.

1.1.4. Que tipo de gastos se financian?

No marco de esta axuda serán subvencionables os gastos de organización e prestación dos servizos:

- ✓ Gastos de profesorado
- ✓ Material didáctico
- ✓ Aluguer de locais
- ✓ Gastos de desprazamento
- ✓ Custos de investimento directamente vinculados á actividade formativa
- ✓ Custos relacionados co lugar onde se realiza a acción
- ✓ Custos de difusión e promoción da actividade

Con excepción dos custos de investimento, aplicaranse custos de referencia, con límites máximos admisibles para a determinación do gasto, que incluírá, para cada tipo de actividade de demostración e información (cursos, talleres e sesións), un fixo por organización máis un tanto fixo por participante, para o número de participantes que supere o mínimo esixido.

Poderanse financiar os custos de investimento directamente vinculados á actividade de demostración para o que se terá en conta o artigo 45 do Regulamento (UE) 1305/2013. Neste caso, unicamente consideraranse subvencionables os custos de amortización correspondentes á duración do proxecto de demostración e durante o período de demostración, calculados de acordo cos principios contables xeralmente aceptados, e ata un máximo de 20.000 €.

As accións de demostración e información que se integren nos cursos previstos na submedida 1.1 valoraranse de maneira independente e complementaria, evitando a duplicidade de pagos. Todos os custos aboaranse á entidade beneficiaria que presta o servizo, de tal modo que os custos imputados a participantes serán aboados previamente por ela aos interesados.

1.1.5. Que requisitos se han de cumprir para recibir a axuda?

Só serán elixibles as actuacións promovidas e impartidas directamente pola Administración autonómica ou polas entidades prestadoras de servizos de formación.

Os provedores de servizos poderán ser entidades públicas ou privadas (entre elas, cooperativas ou outras entidades asociativas agrarias, entidades colaboradoras da Consellería do Medio Rural,...), que teñan entre as súas finalidades a formación e/ou a información ao sector e teñan acreditada experiencia na organización de actividades de información e/ou demostración en materias relacionadas cos sectores agrícolas, gandeiros, forestais ou agroalimentarios, ou que poidan acreditar unha actividade produtiva ou profesional nalgún destes sectores. Estes requisitos garanten a debida capacitación das entidades que presten servizos de transferencia de coñecemento e información.

Só serán elixibles as actuacións destinadas a persoas vinculadas profesionalmente cos sectores produtivos relacionados coa agricultura, gandería, industria agroalimentaria e cadea forestal-madeira, ou con expectativa de incorporación, en especial mozos e mulleres do medio rural galego.

Por outro lado, as entidades prestadoras de servizos han de cumprir unhas cualificacións mínimas:

- ✓ Contar coas licenzas e autorizacións administrativas correspondentes.
- ✓ Cumprir coas súas obrigacións tributarias co Estado, coa Comunidade Autónoma e coa Seguridade Social.
- ✓ A documentación de constitución da entidade inclúe como obxecto ou finalidade a formación e o desenvolvemento do medio rural galego.



- ✓ Contar cun responsable de formación, cun nivel de titulación universitaria de grao medio ou superior, ou con experiencia profesional acreditada no ámbito da actividade que desenvolva a entidade.
- ✓ Acreditar experiencia de polo menos dous anos na organización de actividades de información e/ou demostración en materias relacionadas cos sectores agrícolas, gandeiros, forestais ou agroalimentarios, ou acreditar unha actividade produtiva ou profesional nalgún dos sectores agrícolas, gandeiros, forestais ou agroalimentarios de polo menos cinco anos.
- ✓ Dispoñer dunha póliza de seguros de responsabilidade civil referente ás instalacións onde se realizarán as actividades e da póliza do seguro de accidentes e responsabilidade civil que cubra a totalidade do persoal docente ou relator e do alumnado.

E o persoal docente ademais ha de cumprir uns requisitos mínimos:

- ✓ Titulación universitaria de grao superior ou medio en materias agrarias e afíns.
- ✓ O persoal docente de prácticas deberá contar coa titulación de formación profesional dos ciclos medio e superior da familia profesional agraria ou asimiladas.
- ✓ Poderán ser docentes/ relatores de accións de formación práctica os titulares de explotacións agrarias, titulares forestais ou da empresa agroalimentaria e forestal que acrediten unha experiencia no sector mínima de 5 anos.

1.1.6. Que criterios serán utilizados para a selección?

Definiranse os criterios de selección con anterioridade ao comezo do proceso. Asignarase a cada criterio unha puntuación e a suma de puntos totais por solicitude haberá de superar un limiar mínimo para acceder á axuda. Fixarase un limiar mínimo de puntos que debe alcanzar unha solicitude para acceder á axuda. En caso das actividades de información e demostración priorizaranse as actividades de demostración de proxectos innovadores e as que proveñan de iniciativas de cooperación.

Poderanse aplicar os seguintes criterios de selección entre outros:

- ✓ Actividades ligadas a accións financiadas a través da submedida 1.1
- ✓ Novas alternativas produtivas
- ✓ Desenvolvemento de novos procesos e novas tecnoloxías
- ✓ Desenvolvemento de accións en zonas de montaña, segundo o artigo 32 do Regulamento (UE) 1305/2013
- ✓ Actividades de demostración de proxectos innovadores
- ✓ Accións que proveñan de iniciativas de cooperación



- ✓ Actividades dirixidas a agricultores mozos (que non cumprisen 41 anos) e mulleres do medio rural.

1.1.7. A canto ascende esta axuda?

A intensidade máxima da axuda será do 100% dos gastos subvencionables, segundo a seguinte metodoloxía de cálculo:

- ✓ O importe básico máximo para a prima única será de 1.000 € por organización da actividade
- ✓ Por cada participante suplementario admitido: máximo de 50 €
- ✓ O máximo da axuda será de 2.150 € (1.000 € de prima básica ao que poderase sumar ata un máximo de 1.150 € no caso da admisión de participantes suplementarios).
- ✓ No caso de ser autorizada unha visita na programación da actividade de demostración ou información financiarase o 100% dos gastos de desprazamento

Para as actividades denominadas campos de demostración e de ensaio establece un importe máximo de axuda de 4.000 €. O presuposto deste tipo de actividades estará debidamente desglosado e xustificado por natureza de gasto aplicándose os principios de moderación de custes. Non se aplican importes por participante.

No suposto de organización de visitas a través desta submedida financiarase o 100% dos gastos de desprazamento nun medio de transporte colectivo, debidamente xustificada a oportunidade e necesidade do uso dese transporte concreto.

1.1.8. Quen xestiona esta axuda?

Esta axuda está xestionada pola Axencia Galega da Calidade Alimentaria da Consellería do Medio Rural.

1.1.9. Marco normativo

- ✓ Regulamento (UE) Nº 1303/2013 do Parlamento Europeo e do Consello, de 17 de decembro de 2013, polo que se establecen disposicións comúns relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión, ao Fondo Europeo Agrícola de Desenvolvemento Rural e ao Fondo Europeo Marítimo y de la Pesca, y por el que se establecen disposicións xerais relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión e ao Fondo Europeo Marítimo e da Pesca
- ✓ Regulamento (UE) Nº 1305/2013 do Parlamento Europeo e do Consello, de 17 de decembro de 2013, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader)



- ✓ Regulamento (UE) N° 1407/2013 da Comisión, de 18 de decembro de 2013, relativo á aplicación dos artigos 107 e 108 do Tratado de Funcionamento da Unión Europea ás axudas de minimis
- ✓ Regulamento Delegado (UE) N° 807/2014 da Comisión, de 11 de marzo de 2014, que completa o Regulamento (UE) N° 1305/2013 do Parlamento Europeo e do Consello, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader), e introduce disposicións transitorias
- ✓ Regulamento de Execución (UE) N° 808/2014 da Comisión, de 17 de xullo de 2014, polo que se establecen disposicións de aplicación do Regulamento (UE) N° 1305/2013 do Parlamento Europeo e do Consello, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader)
- ✓ Lei 9/2007, de 13 de xuño, de subvencións de Galicia
- ✓ Decreto 11/2009, do 8 de xaneiro, polo que se aproba o regulamento da Lei 9/2007 do 13 de xuño de subvencións de Galicia
- ✓ Orde de 17 de marzo de 2009 pola que se ditan normas relativas á inscrición e rexistro das entidades colaboradoras da Consellería de Medio Rural para a realización de actividades de formación continua e transferencia de tecnoloxía en materia agraria e sobre o procedemento de homologación dos cursos realizados por estas entidades e a expedición de certificacións e diplomas oficiais por parte da Administración pública
- ✓ Lei 14/2013, de 26 de decembro, de racionalización do sector público autonómico.
- ✓ Lei 9/2017, de 8 de novembro, de Contratos do Sector Público, pola que trasponse ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, de 26 de febreiro de 2014

1.1.10. Documentos e ligazóns relacionados

- ✓ Investigación e formación (Consellería do Medio Rural)
 - ✓ http://mediorural.xunta.gal/es/areas/investigacion_y_formacion/presentacion
- ✓ Para obter máis información, consulte a sección 8.2.1.3.2 do Programa de Desenvolvemento Rural de Galicia 2014-2020

